



Sarajevo, 26. 2. 2024.godine

**KOLEGIJU PREDSTAVNIČKOG DOMA  
PARLAMENTARNE SKUPŠTINE BiH**

n/r članova Kolegija

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 26-02-2024			
Organizaciona jedinica	Klasifikaciona oznaka	Redni broj	Broj priloga
01	50-1	461/24	

Na osnovu člana 8. Poslovnika Predstavničkog doma Parlamentarne skupštine BiH ("Službeni glasnik BiH", br. 79/14, 81/15 i 97/15, 78/19, 26/20, 53/22, 59/23 i 87/23), podnosimo sljedeću poslaničku

**INICIJATIVU**

kojom Predstavnički dom Parlamentarne skupštine Bosne i Hercegovine zadužuje Vijeće ministara Bosne i Hercegovine da, u saradnji s nadležnim ministarstvom, omogući uplatu administrativnih taksi putem veb-servisa/aplikacije na račun Ministarstva finansija i trezora Bosne i Hercegovine.

**Obrazloženje**

U Upravi za indirektno oporezivanje BiH se tokom jedne godine obradi oko milion carinskih prijava, od čega je 99% prijava koje podliježu plaćanju administrativnih taksi.

Uplata administrativnih taksi, ali i ostalih dažbina, putem veb-servisa omogućila bi građanima Bosne i Hercegovine brojne prednosti među kojima su:

- dostupnost poslovanja 24 sata dnevno, sedam dana u sedmici, bez vremenskog ograničenja
- smanjenje ukupnih transakcijskih troškova
- siguran način bezgotovinskog plaćanja
- brže administrativno poslovanje privrednika i institucija.

Korištenje savremenih tehnologija podrazumijeva znatnu uštedu vremena, veću efikasnost, transparentnost i odgovornost u radu. S tim u vezi, plaćanje putem veb-servisa/aplikacije omogućilo bi Ministarstvu finansija i trezora BiH i Upravi za indirektno oporezivanje BiH:

- unapređenje komunikacije i poslovnih procesa između obveznika indirektnih poreza i javne uprave,
- efikasnije praćenje realiziranih transakcija na šta u svojim izvještajima ukazuje i Ured za reviziju, kao i
- jačanje finansijskog sektora Bosne i Hercegovine.

Na osnovu svega navedenog, smatramo da uvođenje mogućnosti ovakvog načina plaćanja donosi brojne prednosti kako obveznicima indirektnih poreza tako i nadležnim institucijama za ovo pitanje - Upravi za indirektno oporezivanje BiH i Ministarstvu finansija i trezora BiH.

S poštovanjem,

Klub poslanika SDPBiH

Rejhana Dervišević




Saša Magazinović



Ermina Salkičević Dizdarević



Albin Muslić



Jasmin Imamović

